

մութիւն» աշխատութեան մէջ, «զոր յունաց ատեալ տայ մեզ հունքեարն որ Սուլթան Սուլթան»):

Բացի բուն պոլսարնակ հայութիւնից, ժէ. դարի վերջերը մօտ 50,000 հոգի էլ գրսից եկած հայեր կային Պոլսում: Այս երկու խմբերը սիրով չէին ապրում, «քանզի ի ժողովրդակա- նացն՝ որք բնիկ բնական տեղացիք էին ի քա- ղաքէն Կոստանտնուպոլսէ, բարձրամիտ, բար- ձրբաճայն պատճառօք հարատահարեալ թեւս ամէն ի վերա եկամուտ ժողովրդոցն, եւ իր- բեւ զդռնհիկ եւ չմարդի ունէին զնոսա»**):

Բայց այս երկպառակութիւնները դեռ բա- ւական չէին. ժէ. դարի վերջին քառորդին եւ ժԸ. դարի առաջին տարիները հայ հասարա- կութեան կեանքը է՛լ աւելի բարդացաւ: Կաթո- լիկութեան թափանցման երկրորդ շրջանը հա- յոց մէջ (առաջին շրջանը փակուեց Լեւոն Զ.ի մահով), որ սկսուեց ժՁ. դարի վերջերին, ըս- կըզբում անցնում էր բաւական խաղաղ, որով- ճետեւ կաթոլիկ միախոնարները, որ ողողել է- ին Հայաստանն ու գաղութները, շատ զուսպ է- ին պահում եւ բարեկամ էին ցոյց տալիս իրենց հայոց եկեղեցու վերաբերմամբ: Միախոնարնե- րը հագնում էին հայ վարդապետների զգեստ- ներ, ժամասացութիւն էին անում հայոց եկե- ղեցիներում, դասաւանդում էին հայկական դպրանոցներում եւ այդպիսով գրաւում էին հայ հոգեւորականութեան համակրանքը: Յե- սոյ, երբ միախոնարներն ու Հոռովք այլեւս հա- մարում էին նպատակին հասած, կտրուկ կեր- պով փոխեցին իրենց վերաբերումը դէպի հայոց եկեղեցին: Հայոց եկեղեցին դարձաւ հերձուա- ծող, եւ նրա հերետիկոսութիւնը՝ շատ պարզ- նրանք դուրս եկան հայոց եկեղեցու դէմ թէ՛ գրականութեան մէջ եւ թէ՛ կեանքում:

Միախոնարները հարց դրին, որ իրենց կողմ- նակիցները հայոց եկեղեցիները չայցելեն, չմասնակցին հայոց հերետիկոս եկեղեցու խոր- հուրդներին: Այս պահանջը առաջ բերեց դործ-

նական մեծ կարեւորութիւն ունեցող մի խըն- դիր:

Պոլսի գրաւումից անմիջապէս յետոյ, Մահմէտ Բ., որ բաւական խոշոր թուով հայեր էր տեղափոխել նորանուաճ քաղաքը, Պոլսի հայոց առաջին պատրիարք Յովակիմի անունով մի խաթթը շէրիֆ հրատարակեց, որով նրա վրայ եւս տարածում էր յունաց պատրիարքի վայելած իրաւունքներն ու արտօնութիւնները. պատրիարքին էր յանձնում ամբողջապէս քա- ղաքացիական իշխանութիւնը Պոլսի եւ գաւառ- ների հայութեան վրայ, հայ ազգարնակութեան հաշուառումը եւ հարկերի ու տուրքերի դան- ձումը ազգային ու եկեղեցական հիմնարկու- թիւնների օգտին, ինչպէս նաեւ ընդհանուր վե- րահսկողութիւնը պետական տուրքերի հաւաք- ման վրայ: Այսպիսով, ամէն մի հայ, որ խու- սափում էր հայ ազգային եկեղեցու հետ հաղոր- ղակցութիւն ունենալուց, դուրս էր ընկնում հաշուառումից ու հարկատուութիւնից ի վնաս պետութեան եւ հայ համայնքի: Պէտք է աւե- լացնել նաեւ, որ հայ համայնքից դուրս եկող- ներն ու կաթոլիկութեան յարող հայերը, հա- մարեա մեքենայօրէն մի միախոնարի միջոցով մտնում էին Փրանսական դեսպանի հովանաւո- րութեան տակ եւ սկսում էին օգտուել հետզհե- տէ ոյժ առնող «առանձնաշնորհումներից»: Դժուար չէ երեւակայել, թէ հայերը, մանա- ւանդ հարուստները, ինչպիսի թեթեւութեամբ եւ ինչ քանակով էին դառնում կաթոլիկ:

Հասկանալի է, որ այս երեւոյթը իր վրայ էր գրաւում ե՛ւ պատրիարքարանի ե՛ւ թուրք կառավարութեան ուշադրութիւնը եւ այս վեր- ջինս, պատրիարքարանի ճնշման տակ, խիստ միջոցներ ձեռք առաւ բացայայտ կերպով կա- թոլիկութիւն ընդունող հայերի դէմ:

Բացի ազգարնակութեան այս մասին, որ ձգտում էր կաթոլիկութեան եւ մասնակցում էր դործօն պայքարի մէջ, կար եւ մի ուրիշ խումբ, որ կապը չէր խզում ազգային եկեղեցու հետ, բայց շատ մօտ էր կաթոլիկ միախոնարնե- րին, որովհետեւ մեծ սէր ունէր ուսման, որ անկարող էր ստանալ հայ հոգեւորականներից եւ որոնում էր կաթոլիկ միախոնարների մօտ: Սրանք անհամեմատ աւելի էին զգացած, լայ- նօրէն տեղեակ էին կրօնական հարցերին, տի-

*) Երեմիա Զէլչպի, Ստամպոլոյ Պատմու- թիւն, Վիեննա, 1913, էջ 7:

**) Առաքել Դարիմեցի, Պատմութիւն, եր- րորդ ապ. էջ 234: